

太上洞真智慧上品大誠

兩一

元始天尊以開皇元年七月一日午時於西那玉國鬱刺之山浮羅之殿長桑林中授太上道君智慧上品大誠法文是其時也道君受誠起北向首體投地回心十方還向東而伏

天尊告太上道君曰今當宣通法音開悟羣生為諸男女解災却患請福度命拔諸苦根使生者見道身脫八難死者歡樂飲食天堂早生人中轉輪聖王修齊求道皆當一心請奉十誠誅受勿忘專心默念洞思自然毋生雜想撓亂形神能如是者便當靜聽

天尊告曰  
第一誠者心不惡妬無生陰賊口慎過想念在法

第二誠者守仁不殺愍濟羣生慈愛廣救潤及一切

第三誠者守貞推讓不淫不盜常行善念損已濟物

第四誠者不色不慾心無放蕩貞潔守慎行

無玷污

第五誠者口無惡言言不華綺內外中直不犯口過

第六誠者減酒節行調和氣性神不損傷無犯衆惡

第七誠者不得嫉人勝己爭競功名每事遜讓退身度人

第八誠者不得評論經教訾毀聖文躬心承法恒如對神

第九誠者不得闢亂口舌評論四輩天人答恨傷損神炁

第十誠者舉動施為平等一心人和神穆行常使然

天尊言修奉諸誠每合天心常行大慈願為一切普度厄世謙謙尊教不得中怠寧守善

而死不為惡而生於是不退可得拔度五道不履三惡諸天所護萬神所敬長齋奉誠自得度世

太上道君不勝喜懼稽首奉命

天尊言夫學者修齊行道開度天人作諸善

功當行十二可從而得度世者爾宜從之自得正真終入無為所願皆成

第一者見真經出法開度一切便發道意心願後世得登大聖

第二者常行慈心願念一切普得見聞開度廣遠无有障翳

第三者好樂經教深遠覽達意志堅明開化愚闇

第四者專受師訓廣開勸化令入法墻遠離盲道

第五者信向玄妙專奉經訣晨夕誦習無有怠倦

第六者不務榮華斷俗因緣專心定志所管在法

第七者勤誦大經願念一切廣開橋梁為衆生作緣

第八者敬生善心不邪不偽無嫉無害無惡無妬

第九者在所托生常值聖世與靈寶法教相值不絕

第十者潔身持誠修齋建功廣教羣生成得度脫

第十一者學業廣覽宣通洞法預以天人普令開度

第十二者常與明師世世相值受教宣化度人無量一切善心皆得真道

天尊言學士修行之法當行十二可從之誠能以一心行此善念世世得見聖文與道結緣諸天女識獨超三界無所罣礙長離三惡五道八難萬神敬護地祇擁衛門戶清肅萬災不干可謂端正而得道也勤為習誦廣宣同學皆使一心齊入法門

天尊言道尊法妙人身亦貴故道開法道誠經文以度人身身既度上與道同實為精行持齋奉誠爽心靜默志念分明一意皈向專想不二離蕩六府過中不味內外清虛每合自然是其齋日捨香登願應心上徹四天司運十部威神即下履行觀聽至音鑒映爾心如誠行道皆列功諸天禍福立彰道不負人勤行誦受勿使魔言

天尊言若善男子善女人能發自然道意來入法門受我十誠行十二可從則為大道清信弟子皆與勇猛飛天齊功飛天未得道者也是大道十轉弟子飛行虛空為諸天策駕隨信弟子見在世上可得免於憂惱度於眾

苦身入光明形內燈正招鬼使神制伏魔精十轉即得上為飛天若在一轉而行精進心不懈進作諸功德長齋苦行晨夕不倦即得飛天於此而進超陵三界為上清真人

天尊言受我十誠十二可從皆當稽首稱清信弟子從今受誠一心奉行不敢不信皈命十方能如是者見世門戶隆隆威得康強地祇侍衛三界同迎七祖魂神上昇南宮衣飯天廚早得更生還於人中國王之門世世不絕與道因緣

天尊言建齋行道四天王皆駕飛雲綠辮八景玉華侍從真人玉女手把華燈前導威歌後從天鈞白鶴獅子嘯歌雖難燒香散華淨空而來瞻禮行道觀聽法音天玉下降萬靈朝焉如是豈不盡其法也當先受十誠然

後行道摩序雅步靜心閉意坐起卧息不離儀格天王歡悅列名上清可謂得道在方寸之間

智慧閉塞六情上品誠

第一誠者目無廣瞻亂諸華色亡暗失瞳光

不明徹

第二誠者耳無亂聽混於五音傷神收正惡聲啼吟

不澄正

第三誠者鼻無廣嗅雜悉臭塵易有混淆形

不潔淨

第四誠者口無貪味脂膏屬濁注五神臟

不自覺

第五誠者手無犯惡不竊人物貪利入己禍

發迷荒

第六誠者心無愛慾搖動五神傷精喪炁體

天尊言其六誠者身之大患來生男女難受人形而六情不純未見經教不聞法音形不自覺沉迷罪門致命短促不竟天年長處惡道甚可哀憐故說是誠開度人天善心信向

一意歸命奉聖教閉諸惡門則形入虛空  
六通智慧六通智慧者洞視同聽洞空洞虛  
洞清洞徹是為六通無所不通也六情恬爽  
神自歸也一自生也精自固也壽命長遠終  
不死也

智慧度生上品大誠

- 一者見人窮急度其死厄見世明達能制凶  
逆年命長遠世享無極
  - 二者見人窮乏饑寒困急損身布施令人富  
貴福報萬倍世世歡樂
  - 三者含血之類有急投人能為開度濟其死  
厄見世康強不遭橫惡
  - 四者施慈鳥獸有生之類割口銜之無所愛  
惜世世飽滿常在福地
  - 五者度諸蠢動一切眾生咸使成就無有夭  
傷見世興盛不履眾橫
  - 六者常行慈心愍濟一切放生度厄其功甚  
重令人見世居危得安居疾得康居貧得  
富舉向從心
- 天尊言其六誠者皆以心通智慧能施其德

行合自然慶福恒居其身禍害常遠其門說  
好不絕世世因緣一轉受報飛天齊功起輪  
九轉漸入大道十轉弟子名書諸天七祖同  
昇上生天堂衣食福德即生人中轉輪神王  
恒居福門

智慧十善勸助上品大誠

- 一者勸助禮敬三寶供養法師令人世為君  
子賢孝高才榮貴魏生為人尊門族昌  
熾
- 二者勸助治寫經書令人世世聰明博聞妙  
義恒值聖世見諸經教能誦章句
- 三者勸助建齋靜舍令人世世門戶高貴身  
登天堂飯食自然常居無為
- 四者勸助香油衆乏令人世世芳威香潔光  
明容粹絕偉天姿高秀
- 五者勸助法師法服令人世世長雅道遠中  
國不墮邊夷男女端正冠冕玉珮
- 六者勸助國王父母子民忠孝令人世世多  
嗣男女賢儒不經諸苦
- 七者勸助齋靜讀經令人世世不墮地獄即

昇天堂禮見眾聖速得反形化生王家在  
意所欲玩服備足七祖同歡善緣悉會終  
始榮樂法輪運至將得仙道

八者勸助道士衆人經學令人世世才智洞  
達動靜威儀常為人師

樂常無怨惱

- 九者勸助一切布施諫諍令人世世壽考富  
樂常無怨惱
  - 十者勸助一切人民除嫉去怨履行眾善令  
人世世安樂禍亂不生病者自愈仕宦高  
遷為眾所仰莫不吉祐門戶清貴天人愛  
育神魔敬護常生福地
- 天尊言其十善勸誠自非大道十轉弟子莫  
能行也能行之者與飛天齊功心與六通智  
慧忝同洞虛無也身後皆得飛行雲中眾聖  
策駕遊乎十方從此不懈亦得位及仙王七  
祖即離幽夜昇入南宮衣飯天廚受福自然  
其法高妙度人無量巍巍大化難可勝焉
- 天尊言六通智慧者天曰洞視地曰洞聽東  
曰洞空西曰洞虛南曰洞清北曰洞微六通  
洞達遼邈無端不可得測不可得窮無所不

包無所不容其有六覺之悉常通六慧人誠  
六通則六覺明焉制御六情使人自然棄諸  
惡根生諸善念心體六惠自得神仙

天尊言為道之本欲度十苦八難之中當受  
大誠修齊建德立諸善功為三界所稱諸天

所觀身無不度道無不成不交大誠徒為長  
齋或斷谷休糧隱遁山林肉身求度而無六

通智慧之行徒失爾功無由成就善男子善  
女人有至心者勤求諦受今說是經廣加開

度咸使十方普聞法音

天尊言天為洞視則天眼智高慧洞無窮自  
上自下四面八方無所不照無所不明雖曰

一通智慧而五色總焉天洞自然故無損傷  
人則法天目中朱童亦有五色之光人不持

戒六覺之悉不通人孔竅智慧未開廣視五  
色則眼童飛揚光睛昏翳令人目盲故說是

誠以度天人咸使男女得聞法音欲得過度  
年命長遠當奉是誠勤行勿忘慎多色想放

蕩目神每自制御愛養眼童思真靜舍令通  
智慧洞觀虛空持誠制已則五色歸身五色

歸身則無損傷保爾年命可得無窮

自歸則無損傷保爾年命可得無窮

天尊言地為洞聽智遠慧聞故響應天上  
下微四方無所不窮無所不聞雖曰一通智慧

而五音總焉地洞自然以生五音眠而不動  
故無損傷人則像地耳中則有五聲之神人

不持誠則智慧不通不可亂聽五音之聲五  
音使人五神飛散耳中空廢隆隆悲鳴五神

啼泣致令驚故說是誠以度天人咸使男女  
普聞法音欲得長生當持大誠以制耳神勿

為多聽非法之音靜聽妙經神真之章令通  
智慧洞響太空持誠制已則五音歸身五音

自歸則耳無聲聲保爾年命得長遠

天尊言東為洞空始陽之悉悉出於空智明  
慧察故曰洞空洞遠無礙不可得窮始青之

悉雖曰一通智慧而五悉總焉空無不納故  
無損傷人雖有形亦法空鼻有黃室辟非

之神人未持誠則智慧不通未入智慧不可  
雜食臭腥之物臭腥之悉使人鼻神壅塞經

脈易有斷絕明翠不通故說是誠以度天人  
咸使男女得聞法音欲度諸苦八難之中當

受是誠以制鼻神勿多食臭滯滯明翠導引  
生悉通明智洞悉入空持誠制已則鼻悉

歸身衆悉自歸與悉混同長保身命終不毀  
傷

天尊言西為洞虛少陽之悉悉出於虛智微  
慧朗故曰洞虛虛之無礙洞遠難窮少陰之

悉雖曰一通智慧而五味總焉虛無不入虛  
無不容人雖法虛身不持戒則智慧不遇智

慧未入則五味為患貪嗜脂薰則五神不安  
致有傾訖年命不長故說是誠以度天人咸

令男女普聞法音欲得長命當持大誠以制  
五神慎勿貪五味甘其脂薰滲滲五臟每令

清涼身有智慧則五味知者內外怡爽年命  
不傷也

天尊言南為洞清太陽之悉悉出於清智清  
慧開闢而洞清故南有赤帝洞陽之度治鍊

萬物受鍊而明也人不持誠則智慧不通智  
慧不通則心神振動生於愛慾使人迷荒畏

神傷命壽不得長故說是誠以度天人咸使  
男女普聞法音欲得長壽過度諸患當受是

誠以度天人咸使男女得聞法音欲得過度  
諸患當受是

誠以度天人咸使男女得聞法音欲得過度  
諸患當受是

誠以制心神除情遣欲棄塵入清通明智慧  
六覺開津身入洞清與炁自然保爾年命得  
永長存

天尊言此曰洞微生於玄智遠慧深微而洞  
真陰察罪福主人生元手法四時上應天關  
天關恒轉手亦動焉手有大神接生方盈運  
人四大觀人敗成人不持誠智慧不道別搖  
動人心象惡並生手作不覺貪竊自營致有  
短命不終年故說是誠以度天人欲得長壽  
過度惡根當奉是誠以制手神通明智慧心  
自開明手不貪竊惡根不生應天順炁身入  
自然保爾壽命永得長存

智慧功德報應上品誠

誠曰施散供養三寶神經一錢已上皆七十  
四萬倍報一萬以上報不可勝名記諸天  
身登太上十轉弟子七祖上昇為諸天賓  
友

誠曰施散法師法服治寫經書建立靜治一  
錢以上皆三十二萬倍報萬錢以上報不  
可勝世世聰明恒值明師生於貴門七祖

皆為太上之賓

誠曰施散法師道士香油膏食一錢以上皆  
二十四萬倍報功多則報重世世豐有恒  
無窮之七祖歡奉恒食天廚

誠曰施散山樓道士一錢以上皆一十二萬

倍報功多則報重世世恒值聖師見道法

教七祖皆得五帝交遊

誠曰施散清信弟子香燭齋食一錢以上皆

三萬二千倍報世世歡樂不見諸苦七祖

上昇天堂逍遙無為恒居福中

誠曰施散天人窮之一錢已上皆一萬二千

倍報功多報多世世富貴歡樂無極七祖

皆受四方天廚衣食自然

誠曰施散衆生損已餉食一錢已上皆七祖

二百倍報世世子孫昌熾門戶興盛六千

免離地獄上昇自然福中

天尊告太上道君曰智慧上品功德之誠天

人男女有發自然道意損已布散開張福田

功德甚重施一之功數萬之報應之理明如

日月或在見世或在來生但福報差移不必

同至其中或有計功補過或以德贖罪或為

祖世援諸刑責是致報應不即明顯三官九

府記人功過毫分不失或先罪已除身不犯

過後功未明與凡不異此由已身受生日尅

應諸天解度然後福報雖爾推移七祖總神

已昇天堂福會於後萬無差錯明告男女令

知報應天道不虛善心信向勤行勿懈尅得

開度受福無窮也

天尊告太上道君曰諸天上聖至真大神諸

天帝王及已過去塵沙之輩得道之者莫不

由施帶布德作諸善功功德足以致善報

輪轉不絕皆得道真超陵三界逍遙上清大

羅之天玉京玄臺七寶林中此時皆知施功

不失歡樂自然世世無量所施蓋微福慶無

極末世偽薄人情慳貪唯知聚積為己重擔

莫能發心作此功德功既無積罪穢日生長

速福堂沉淪罪門展轉五道八難之中一失

福世無有還期男女相牽莫識宿命所從而

來見其魂神甚可痛傷今為諸天說禁誡

咸令男女普聞法音開度羣生使入福中

天尊言我摩觀諸天地獄之中男女貴作幽  
 牢窮魂莫非先身不見明誠見而不行或行  
 而不遵迴生悔心還入罪門或生而犯惡不  
 過善緣或不知施散發心建功廣作福田以  
 拔宿根唯知作罪流災三塗八難之中念其  
 愚癡甚可哀傷故說是誠開度天人咸使男  
 女普聞法音知發道心建立善功以拔諸苦  
 與道為緣咸得歡奉道達自然  
 太上道君受誠於

元始天尊開度諸天四方邊土功德成就以  
 傳

諸天天王十方大聖太微帝君四極真人東  
 華宮中方諸大神玉女羣仙普使宣通濟度  
 來生令聞法音是時  
 諸天莫不欣喜善哉善哉

太上洞真智慧上品大誡終

三洞東戒文序

三洞弟子奉太清觀道士張為編錄

萬福伏按三洞諸經說戒多矣難以具詳學  
 道求真莫不先持齋戒故靈寶昇玄下虛章  
 云皆從齋戒起累功結宿緣又太極三仙公  
 云學道不修齋戒亦徒勞山林矣由是詳之  
 夫戒者戒諸惡行防衆行之最若不持戒道  
 無由得然道經不師受則行之不神三洞科  
 儀備有條格而師資稟訓各據一門吳蜀京  
 都相承或異良以教戒須漸頓悟人有賢愚  
 設法隨機要存合道恐踰見之徒妄生疑惑  
 其傳授經法次第已如三洞法目今又依經  
 籙出戒文附諸法次受法之日隨法轉授今  
 道士誦習防非止惡以制六情進品上仙遠  
 超三界自淺之深非無優劣從凡入聖各有  
 等差聊舉大綱庶通玄覺即始起心入道受  
 三歸戒錄生五戒八戒在俗男女無上十戒  
 新出家者初真戒正一弟子七十二戒男官  
 女官老君百八十戒清信弟子天尊十戒十  
 四持身品五千文金紐太清陰陽戒太上高

玄法師二十七戒洞神三洞要言五戒十三  
 戒七百二十戒洞昇玄內教百二十九戒靈  
 寶初盟閉塞六情戒中盟智慧上品六戒大  
 盟三元百八十品戒上清智慧觀身三百六  
 戒凡受法各授法服宜示法服科戒問授法  
 位乃授天尊要戒及勸戒三日後設齋謝恩  
 授三師名諱形狀居觀方所並具之于左  
 右與所授經法同時書寫雖具在經中臨  
 事披覽難見也